



“Mellor na casa”

Conto para un confinamento.



Ola...!!! Os nosos amigos lémbbranse
moi ben deste día. Estaban a celebrar o
aniversario de Lemonchelo e puxéronse
moi formais para facer a foto.

Pero que ben saíron...!

Feliz aniversario...!

Canta felicidade...!



Pero un día, as autoridades dixeron que non se podía saír da casa porque estaba a acontecer algo moi grave: unha pandemia.

A pandemia é unha doenza que pode afectar a todo o mundo, sen distinguir fronteiras, nin cor de pel, nin nada de nada... calquera persoa pode contaxiarse e poñerse moi maliña.



O culpable é un coronavirus!!!

Un virus é un axente infeccioso, tan pequeno, que somentes se pode ver por un microscopio, pero, pola súa culpa, a xente enferma. Pasa dunha persoa para outra cando se tuse ou se esbirra... por iso, deixouse de ir traballar, as tendas pecharon e as escolas tamén. Todo o mundo ten que ficar na súa casa!!!



As autoridades científicas puxéronse a investigar para atopar un tratamento para curar aos doentes nos hospitais e vacinar ás persoas para que o virus nas afectara.

Mentres, a xente axudaba aos veciños e todo o mundo colaboraba...



Dona Cafeteira, que é moi boa costureira, comezou a facer máscaras para toda a súa familia, as amizades e a veciñanza.

A máscara cubre o nariz e a boca e axuda a protexer do contaxio aínda que hai que gardar unha distancia, de polo menos metro e medio, coas demais persoas...




Para evitar enfermarse por culpa do coronavirus é importantísimo lavar moi moi ben as mans.

Por iso o xabón é o noso novo superheroe.

Viva o Capitán Superxabón....!!!



O coronavirus, aínda que é microscópico, sábese que está envolto dunha capa de graxa. Se temos moito coidado de lavar ben as mans con xabón, esa capa desaparece e o coronavirus queda inactivo e iso axuda a que non nos contaxiemos.



Como as escolas, os institutos e ata as universidades pecharon, os estudantes seguían por internet as clases.

Sempre estudar moito....!!!

Xa sabedes que para chegar a ser grandes persoas hai que ser respectuosos, xenerosos e amables.

Os trillizos Fernando, Federico e Felix están moi atentos ás explicacións dos profes por internet...



A avoa Elena e o avó Anxo tamén
ficaron na súa casa sen poder visitar os
fillos e netos.

Para divertirse un pouco, decidiron
ollar fotos antigas

Mirade que guapiños foron a unha
festa!!!



Que ben o pasan...!!!

Menuda película vai sair con este equipo...!

Contar historias para que a xente se divirta e o pase ben é un traballo moi gratificante. Hai que escribir o guión, gravar, facer a montaxe...

Xa me tarda a estrea da película...!!!



A señora Petunia sempre está a ler. Sempre di que os libros son os mellores amigos que se poden ter. Con eles pódense vivir grandes aventuras, facer longas viaxes e ser milleiros de persoas distintas.

Cando lemos, a nosa mente medra, somos libres e felices!!!



Temos que ir a museos, teatros, recitais de poesía, óperas, ballets.... Todo iso é un alimento para o espírito e fará que nos sintamos moito mellor .

O noso amigo Pepiño dalle con xeito aos pincéis. Estar confinado na casa dalle a oportunidade de facer grandes obras para a súa nova exposición.



Luces de cores . Todo o mundo a pasalo ben... con boa música para cantar e bailar .

Cancións de antes e de agora para enmarcar os momentos máis importantes.

Hoxe tocou festa para celebrar que estamos todos xuntos e estamos ben... e Filomena, a nosa amiga tostadora, saíu moi favorecida coa súa fita rosada.



Cando Dona Pementa vai fai facer os recados sempre se protexe cunha máscara que lle fixo a súa amiga a señora Cafereira.

Tamén garda a distancia recomendada e leva unhas luvas que quita con moito coidado.



Coser, bordar, facer gancho ou encaixe de bolillos... Dá tempo a todo mentras se está na casa.

Os labores sempre son unha actividade moi saudable para facer porque desenvolven a creatividade e desfrutamos das cousas feitas a man.

Deste xeito, tamén se aprende a valorar o traballo dos artesáns.



O ano pasado, Carmela e Arturo foron ao “Arde Lucus” e pasárono moi ben. Vai facer vinte anos que a cidade de Lugo celebra a súa orixe romana. Este ano querían voltar , pero por culpa do virus cancelouse a festa, igual que moitas outras por todos os vilas e cidades...

Os traxes que levaban fixéronos entre os dous. Menudos artistas...!!!



Despois de facer as tarefas da escola e axudar na casa, as xemelgas estiveron a practicar un pouco de ballet.

Gústalles moito a danza e prepáranse para actuar nun festival ...

Os “tutús” fíxollos a súa tía Catalina.

Agardo que remate axiña este confinamento que ten pechadas as nosas vidas...

Cando voltemos ás rúas, aos parques, e as tendas, e as fábricas estean abertas, e pasear polo río e a praia.... Entón voltaremos a ollar o que están a facer os amigos que saen neste pequeno conto.

Polo de agora , xa sabedes...

“MELLOR NA CASA”

Estrella Naseiro Rego.

Abril de 2.020

